



• EDITORIAL • RÂL VÊNGTU • CHHÛNGKAW CHANCHIN

- » Praise On tuang taka zawh a ni ta
- » Pastor Nupui Intawkhawm Wawi 38-na neih a ni
- » Calvin Seminar neih a ni

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXX

No. 398

E-mail: synodnews@gmail.com

NOVEMBER, 2016

LÂWRKHÂWM

CHAWIMAWINA DAWNG

Oct. 20 - 24, 2016 chhûnga Association for Community Ophthalmologist India (ACOIN) leh International Assembly of Community Ophthalmologist (IACO) ten 7th Annual Conference, Trichi, Tamil Nadu State-a an neihah Dr. R. Lalrindiki, Ophthalmologist, Synod Hospital, Durtlâng chu Community Service-a a hna a thawh that avângin 'Dr. Kala Bhattacharjee Memorial Award 2016' hlan a ni.

MASIHI SANGATI CONVENTION

Nov. 3 - 6, 2016 chhûng khân Lunglei Vênglai Kohhranah Masihi Sangati Convention neih a ni a, he hun hmanpui hian Rev. K. Lalrinmawia, Secretary, SMB, Pu K. Lalronghâka, Mission Promoter leh Pu H. Vanlalchhuanga, Supervisor of Schools te an kal.

LITERATURE SEMINAR & CAMPAIGN

Rêngdîl Pastor Bial-in an rawn sâwm angin Synod Literature & Publication Board leh Synod Bookroom ãngkawpin ni 30.9.2016 - 3.10.2016 chhûng khân Rêngdîl Kohhranah Literature Seminar leh Campaign neih a ni a. Seminar hun chhûng hian Literature pawimawhna leh thuziakn mi a hneh theih dân te, Kohhrana Mizo ãwng hman dân chungchângte zir ho a ni a. Seminar neihpui hian hêng mite hi an kal:

1. Rev. Dr. C. Chawngmingliana, Editor, SL&PB
2. Upa H. Ronghâka, Jt. Editor, SL&PB
3. Pu Lalfakzuala, Office Assistant, SL&PB
4. Pu Lalniliana, Manager, Synod Bookroom
5. Tv Lalzarmawia, Sales Promoter, Synod Bookroom
6. Pu Lalchhanchhuaha, Driver, PRESCOM

SYNOD COMMITTEE/BOARD HRANG HRANG AN ̄THU

Synod Inkhâwmpui Wawi 93-na chu Durtlâng Pastor Bialin Durtlâng Kohhranah Nov. 30- Dec. 11, 2016 chhûng hian an thleng dân a. Synod Inkhâwmpui inbuatsaihna kal zêlah 2015 Synod Inkhâwmpuiin a lo ruat lâwk tawh angin October 17, 2016 a tang khân Department hrang hrang Board/Committee te ̄thu ãanin November 17, 2016 thleng an ̄thu ang. Committee members te pawh an kal ̄tha hlawn hle.

Heng Committee-ah hian Department mala rêl tlan theih thil eng emaw zât rêl a ni a. Department-in a tih fel mai theih loh Synod Executive Committee leh Synod Inkhâwmpuia thlen chi rêl a ni deuh ber. Synod Inkhâwmpui leh Synod Executive Committee-a thlen chi te chu thu kal lai a nih avângin tûn ãumah hi chuan târ lan rih loh a ̄tha zâwk âwm e. Department Board/Committee-in a rêl fel mai theih eng emaw zât a tangin thu bengverh zual tlem azâwng lo târ lang ila:

1. Synod Worship Committee chuan Hla Pui bu siam an rêl a. Board Executive Committee-in lo bawhzui zêl se an ti.
2. Synod Revival Committee chuan kum

danga an lo neih tawh ̄thin angin kum thar 2017 hian Revival Speaker te Seminar/ Residential Training neihpui leh tûrin an rêl. A hun atân chuan February/March 2017-ah a ni ang.

3. Synod Trust Committee chuan Synod Transit Accommodation Guwahati-ah Air Condition dah tûrin a rêl.

4. PRESCOM Board chuan Lunglei-ah Synod Book Room Branch pakhat kan neih mêk bâkah Book Room Branch thar pakhat hawn belh a remti a. Board Executive Committee bawhzui tûra dah a ni.

5. Hospital Board chuan Casualty kawt zâwl hi a chung zâr hul tûrin an rêl.



"LALPA chu ring la, thil ̄tha ti rawh; He ramah hian awm la, rinawmna um zel rawh. LALPA chungah chuan lawm bawk rawh; Tichuan i thinlung duhzawngte chu a pe ang che. I awm dan tur chu LALPA chungah nghtat la; Amah chu ring la, aman a ti vek ang. (Sam 37:3-5).

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial

ISUA NI SE ENGTIN NGE A TIH ANG?

Vângpui hun a liam a, thlasik rim a lo nam leh ta ram ram mai. Sikni êng mawiin tlaizawng pâr a'n chhun ên sût tawh hi chuan, *"Chu mi zân reh takah chuan; Thlasik vûr dâifim hnuaiiah, Bethlehem bâwng in tlâwmah, Lal Krista a lo piang ta,"* tih hla, meng phal mang lo va han sak dup dup mai a châkawm thin. Chu hun chu kan lo thleng leh ta reng mai.

Hetiang hun a lo thlen tawh hi chuan naupang, puitling leh tar chenin thawmhnaw thar leiin bazarah kan zi mum mum thin. Chhûngtin te pawhin mahni in leh compound te kan chei mawi a, Krismas hmang tûrin kan inbuatsaih nasa hle thin. Hetianga theih tâwka kan inbuatsaih lai hian rethei leh rahbi tleu laklawh avânga thawmhnaw thar lei ve thei lo, mahni chu sawi loh fate thawmhnaw thar tûr tak ngial pawh leisak thei lo va indawm kun reng pawh chhûngkua eng emaw zât chu an awm leh ngei ang. Heng mi rethei leh rahbi tleute ngaisak hi Lal Isua rilru a ni tih hre thar leh ila. *'Heng mi te ber chung a in tih hi ka chung a ti in ni,'* Lal Isuan a tih kha.

Sadhu Sundar Singh-a khân khawlaiah mi rethei khawngaihthlâk êm êm mai hi a hmu a. A'n kal pêl mai dâwn a, a kal pêl thei ta hauh lo mai a, kal pelh mai tîr thei lotu a awm tlat mai. Kal pelh mai tîr thei lotu chu tawngkam pakhat, *'Lal Isua ni se, engtin nge a tih ang'* tih hi a ni. Tûn Krismas leh kum thar lo thleng tûr vuak vêtah hian mi rethei chanhai, tanpui ngai ngawih ngawih kan hmuh chuan kan rilruah hei hi lo lang ngâl se a va t̄a dâwn êm! *'Lal Isua ni se eng tin nge a tih ang?'*

Tin, Lalber chuan an hnenah, "Tih tak meuhvin ka hrilh a che u, Heng ka unau te berte zinga mi pakhat chung a in tih chu ka chung a ti in ni," tiin a la chhang ang.
(Mathaia 25:40)

PRAISE ON TLUANG TAKA ZAWH A NI

October 28, 2016 (Zirtâwp) zân khân Synfo & Inkspot Digiprint Solutions buatsaih 'Praise On' chu Bûngkâwn Kohhran Golden Jubilee Hall-ah tluang taka zawh a ni ta.

Final Round-ah hian a t̄a zual mi 10 (Top 10) thlanchhuah ten intihsiakna an nei leh a, October 25, 2016 zânah Music track hmangin intihsiakna neiin October 27, 2016 zânah Live music hmanga intihsiakna neih a ni.

Result puan zân (Oct. 28, 2016) hian CKTP Leader Rev. Zothansangan hunserh a hmang a, Mizoram Synod Choir an zai a, hemi hnu hian Award pali an siam chu sem a ni. Rev. PC Pachhûnga, Executive Secretary i/c MSSU etc chuan Special Award a sem zawh hnuin result hi puan a ni a, Synod Moderator Rev. H. Lalrinmawian lâwmman hi a hlan a ni.

Praise On intihsia Top 3 te chu :

Pakhatna : R. Lalrinmawii, Leitan
Pahnihna : Zorinsanga Sailo
Ramhlun North
Pathumna : Cindy Lalthanpuii
Tlângnuam

Special Award dawngtu te chu :

Best Performance : Cindy Lalthanpuii
Tlângnuam
Most Promising : Irene Laldingngheti
Tuikual 'S' (18 yrs)
Most Inspirational : Lalruatfeli
Lunglei Chanmari
Best Participation : KTP
Bûngkâwn Branch (mi 12 lai an tel).

Praise On-a pakhatna hian Rs. 80,000/- a dawng a, pahnihna Rs. 40,000/- leh pathumnain Rs. 20,000/- an dawng.

Hei bâkah hian Casio Keyboard an dawng vek baw a, Citation leh Trophy an dawng tel baw a, an Branch te hnênah Microphone pek an ni baw. Top 10-a lang chinte hian Rs. 5,000 theuh an dawng.

Synfo chuan pakhatna a t̄anga pathumnate hi a thlawnin Music Video a siamsak vek baw ang.

'Praise On' hi Synod Information & Publicity Department (Synfo) leh Inkspot Digiprint Solutions (Main Sponsor) leh Co-Sponsor : Hlunbuang Store, MD&D Enterprise, Trade Centre leh CL Paper te t̄ang kawpin an buatsaih a ni.



ADVERTISEMENT

Mizoram Presbyterian Kohhran chuan kum 2017 chhûng Contract Basis-a thawk tûrin Missionary a la dâwn a, dil duh chuan dil theih a ni. Dil duh chuan a hnuaiia târlante hi hriat tûr a ni.

1. Synod Office, Mission Vêng, Aizawl a t̄angin dilna form siamsa (Standard Application Form) lâk tûr a ni a, hriat tûr t̄ulte chu dilna form-ah t̄ar lan a ni.
2. Dilna theluh theih hun : 9 December, 2016 (Zirtâwp) Tlai dâr 3:00 thleng.
3. December 10, 2016 (Inrinni) dâr 11:00am-ah PC Girls' School, Mission Vêngah screening test neih tûr a ni a. December 12, 2016 (Thawhtan) tlaiah Interview tûra tlingte t̄ar chhuah a ni ang a, December 15, 2016 dâr 9:30am-ah Synod Office-ah Personal Interview neih tûr a ni. Personal Interview tûra tlingte chuan Synod Hospital a t̄anga Medical Fitness Certificate an nei tûr a ni ang.
4. Screening test-a topic tûr chu:
 - (a) Bible Knowledge (Chanchin T̄a bu 4 leh Tirhkohte Thiltih)
 - (b) Mizoram Presbyterian Kohhran chanchin
 - (c) General Knowledge
5. Hlawh chu Synod hnuaiia Contract Basis-a thawkte rawihna rate angin pêk a ni ang.

Sd/- REV. LALRAMLIANA PACHUAU
Sr. Executive Secretary
Synod Office, Aizawl

Râl Vêngtu

Kohhrana mi ÷ahnemngai deuh te chu Râl Vêngtu hnênah an lo kal khâwm a. “Râl Vêngtu, nikum khân harhna chhimin Kohhran pâwl bîk pawh sawi lovin Zoram hmun hrang hrang aṭangin Kelkangah kan kal hum hum a. Thlarau lama khup zawi leh ban uai thla tam tak tihchakin an awm a. Dam lo dam phah ta hial te pawh kha sawi tûr an awm nual kha a ni a. Kohhran tinah Pathian thlarau tihharhna kan chang a, ‘hei mah mah lei’ ti khawp khan kan hlim a ni si a. Tunah lêm chaurau êk kan thai leh ta chu a ni a. Eng vâng nge maw ni dawn le? Kohhran hruaituten an hruai thiam lo nge ni a, kan harhna chan kha Pathian Thlarau Thianghlim harhna a lo ni lo zâwk le?” an rawn ti a.

Râl Vêngtu chuan, “Kohhran hruaitute thiam loh pawh a ni lo, in harhna chan kha harhna dik lo pawh a ni hek lo,” a lo ti chhum hmak a. Mite chuan, “A nih leh eng vâng nge ni ta ber ang?” an ti a. Râl Vêngtu chuan, “A chhan kawng hrang hrang a awm thei ang. Tawi tê tîn sawi ang aw, ngun deuhvin lo ngaithla rawh u:

- Nangmahnia Pathian hna thawh mak aiin mi thil chan mak in sawi uar/tui zâwk a. Pathian thu ÷a ei bar si lovin sawntlung lei ÷a te in ei mai mai a. Sawntlung lei ÷aah khan thlarau lam vitamin leh thlarau lam damna a awm lo. Mi ten Pathian thu an dampui laiin sawntlung lei ÷a dampui in tum mai mai.
- Krista Chanchin ÷a avânga tihduhdah tuar tûr kan ni tih lam aiin mahni taksa intih hrehawm chawp avânga Thlarau lam malsawmna dawn in beisei baw a.
- Mahni mit-a thingtum hmu duh si lovin mi mit-a bawhlhlawh tê reuh tê in hmu thei leh hle si a. Zâwngin a ngûm khâk a hmu lo va, a ÷hian te ngûm khâk a nuh tih zawng zawng in neih zo va,” a ti a. Mi te chuan, “Kan rin loh khânah min han chhân daih chu le, ni dangah kan lo kal leh ang e,” tiin an ÷insan ta a.

SYNOD HOSPITAL, DURLÂNG SEPTEMBER, 2016 CHHÛNGA THILPÊK DAWNTE

I. CHARITY FUND

1. VTR Computer Center, Khatla	₹	1,000
2. H. Lalnehsângi & N.Lalruatsângi, Model Vêng, Aizawl	₹	3,220
3. Pi Thantluangi, Zârkawt	₹	1,000
4. Zemabâwk Vêngthar Kohhran Hmeichhia	₹	2,000
5. Rawpuichhip Bial Kohhran Hmeichhia	₹	6,700
6. Upa Mesak Lâwmkima, Khatla South	₹	500
7. Pu Rosawmliana Vârtê, Leitan	₹	1,000
8. Pu Lalsanglûra, Durlâng Mêl - 5	₹	1,000
9. Pu H. Lalsiamliana te chhûngkua, Durlâng Mêl 5	₹	4,500
10. Pu Lalnunsânga, Durlâng Kâwn Vêng	₹	1,000
11. Pu Thangchhuana, Durlâng Kâwn Vêng	₹	1,000
12. Pu Lalramena Râltê, Durlâng Kâwn Vêng	₹	1,000
13. New Serchhip N Kohhran Ramthar Committee	₹	1,000
14. Lêngpui Pastor Bial	₹	20,000
15. Lungdai Kohhran	₹	1,000
16. KÏP, Armed Vêng Branch	₹	10,000
17. Zemabâwk Bial Kohhran Hmeichhia	₹	10,000
18. Upa Zaihmingthanga, Keifâng	₹	1,000
19. Bûngtlâng Bial Kohhran Hmeichhia	₹	4,000
20. KÏP, Kêlkâng Bial	₹	5,000

II. THISEN PE TE

1. KÏP, Upper Republic Branch, Aizawl	27 Units
2. KÏP, Tlângnuam Branch, Aizawl	29 Units
3. KÏP, Châmari Branch, Aizawl	33 Units
4. KÏP, Laipuitlâng Branch, Aizawl	10 Units
5. KÏP, Republic Vêng Branch, Aizawl	50 Units
6. Doordharsan Kendra, Durlâng	26 Units

PEK ZÂT

7. KÏP, Bethlehem Vêng Branch, Aizawl	37 Units
8. KÏP, Ramhlun Vêngthar Branch	37 Units
9. KÏP, Siatsûk Bial	52 Units

III. THIL DANG PE TE

1. Vanneihluanga Hmar leh Saichampui, Aizawl Vênglai	An fanu Rinsangi hriatreg nan NICU tan Dryer
2. Pi Zochhuani Malhotra, R.B Colony, Zarkawt	ICU tan Infusion Pump leina tur Rs. 2,00,000
3. Chawnpui Bial, Aizawl	Student Nurses Hostel Khum siamna tur Rs 100,000
4. Lalliangira te unau, Manikbond, Assam	Rs 770
5. Lalruatmawia, MSW (1st Semester) K.Ward tan Vanglaini leh The Zozam Times Subscribe sak	
6. Dr. Vanlalchama, Hospt. Campus	Physiotherapy room damlo tan ÷huthlengsei Cushion leh a Case
7. Pi Zosiami te chhûngkua, Chawnga Road, Khatla	Pi Puii In tan Dryer
8. Mr. & Mrs Jerry Lalduhawma Poonte, Zemabaw	An fapa Joshua Vanlalhriatregna Poonte piancham lawm nan NICU tan Emergency Light 2

Khawngaihna leh duhsaknaa thilpêk min petue zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawn te hian damlo awm man harsate thlamuang takin a awmtîr a, Hospital mamawh tam tak min phurûksak baw a ni.

Sd/- REV. R. RAMDINMAWIA
Chaplain, Synod Hospital, Durlâng

PASTOR NUPUI INTAWHKHÂWM VAWI 38-NA (2016)

October 11, 2016 khân Pi Zaii Hall, Synod Conference Centre-ah Presbyterian Kohhrana Pastor leh Pro. Pastor nupui Intawhkhâwm vawi 38-na neih a ni a, Pastor nupui an tel ÷a hle. Speaker atân Revd. Chuauṭhuama an hmang a, thupuih ‘Pastor Nupui’ tih an hmang baw. He hunah hian Pastor nupui 141 zet an kal thei a ni.

Chawhma lamah Pi Lalnilawmi w/o Rev. H. Lalrinmawia, Moderator-in inkhâwm a kaihuai a, Secretary Pi Lalrohui w/o Rev. Lalramliana Pachuau, Sr. Executive Secretary-in inhmehriattîrna hun hmangin report te a pe a, súnna hun hman a ni baw a. Revd. Chuauṭhuama hnên aṭangin ‘Pastor Nupui’ tih thupui hmangin thuchah ngaihthlâk a ni.

Chawhnu lamah Pi Ramluimawii w/o Rev. B. Sângthanga, Executive Secretary in inkhâwm a kaihuai a, Pi Lalnilawmi hnên aṭangin ‘Dârlhalang’ tih thupui hmangin thuchah ngaihthlâk a ni. Thusawi ngaihthlâk zawh hian sawi hona hun hman a ni baw. Pastor nupuite hian tlai lamah chawhlu an kîlho ngâl a ni.

Presbyterian Kohhran Pastor Nupuite hian kum tin intawhkhâwmna hun an hmang ÷hîn a, mithiamte ruaiin thuchah ngaihthlâk bâkah thupui thlan bîk hmangin thu zirhona hun te an hmang ÷hîn.





HRIATTIRNA

Synod Multipurpose Training Centre, Mission Vêngthlang, Aizâwl-ah a hnuai Trade-ah te hian training hawn a ni leh dawn a. Dîlna chu a hnuai hming ziak hnênah hian Kohhran lehkhâ thil telin November 24, 2016 thleng thehluh theih a ni.

- | | | |
|--------------------------|---|--------------------------------|
| 1. Tailoring (Mipa) | : Seat 20 | Course- January-December, 2017 |
| 2. Tailoring (Hmeichhia) | : Seat 40 | Course- January-December, 2017 |
| 3. Shoe Making (Mipa) | : Seat 5 | Course- January-December, 2017 |
| 4. Interview hun | : 25th Nov., 2016 Dâr 10:00am | |

Program Director
Synod Multipurpose Training Centre
Mission Vêngthlang, Aizâwl

ADVERTISEMENT

Synod Multipurpose Training Centre, Mission Vêngthlang, Aizâwl-ah DCA 1st Semester (CCA) training (Govt. approved) hawn a nih leh dawn a. Dîlna chu plain paper-ah ziaikin kohhran lehkhâ thil telin a hnuai Address-ah Office hun chhûngin thehluh tûr a ni.

- | | |
|---------------------------|------------------------------|
| 1. Dîlna thehluh ni hnûng | : Ni 24.11.2016 (3:00pm) |
| 2. Interview hun | : Ni 25.11.2016, dâr 10:00am |
| 3. Course | : 6 Months |

Program Director
Synod Multipurpose Training Centre
Mission Vêngthlang, Aizâwl

HNARUAK

A hnuai târlan ang hian Synod Hospital, Durtlângah regular-a thawh tûr Doctor Specialist pakhat (1) kum 18 leh kum 40 inkâr tân leh John Williams Hospital-ah Medical Officer pakhat (1) Contract-a thawh tûr hna a ruak a, Kum 18-35 inkâr tân dil theih a ni. Application form chu Synod Office aţangin lâkchhuah tûr a ni a, Application form-ah hian hriattûr pawimawh tihlan a ni. Dîlna chu a hnuai hming ziak hnênah hian thehluh tûr a ni.

Dil theih hun chung : Dt. 21.11.2016 (Thawhtan)
Interview : Dt. 22.11.2016 (Thawhle)

Hna hming	Qualification	Hlawh
1. Doctor Specialist	MS/DO Ophthalmology	PB-4 Rs.15,000-38,500 +6,800
2. Medical Officer	MBBS (Any recognised Univ.)	Rs. 33,000/-fixed

Sd/- REV. LALRAMLIANA PACHUAU
Secretary, Synod Service Board

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Mis) zir duh tân dîl theih a ni leh ta. Dîlna Form leh Prospectus hi Rs. 50/- in Office hun chhûngin MTC Office aţangin lâk chhuah theih a ni e.

Dil thei chin : CI- XII pass chin
Dil theih hun chhûng : 1st October, 2016 - 31st January, 2017
Written Test : March 1, 2017; Interview : March 3, 2017

Sd/- REV. DR. K. LALRINKIMA
Principal
Missionary Training College
Mission Vêngthlang, Aizâwl

TUIKÂWI KOHRAN: Ni 24. 11. 2016 (Ningani) chawhma dâr 11:00 hian Tuikâwi Kohhran chuan an Biak In hawn an tum a, he hun hmanpui tûr hian Bialtu Pastor lo awm tawh zawng zawng te, Missionary lo awm tawh te leh Biak In saknaa kut lo thlâk tawhtute zawng zawng an sawm.

CHHAWRTUI BRANCH KÏP: Kristian Thalai Pâwl Chhawrtui Branch chuan ni 27.12.2016 hian an Branch din champhaphâk Vawi 60-na (Diamond Jubilee) lawm an tum a. He hun hmang tûr hian Branch hruihu lo ni tawh te, member ni tawh te, Kohhran Committee-a lo awm tawh te, Bialtu Pastor leh Pro Pastor lo ni tawh zawng zawngte an sawm a ni.

KOLASIB TÏMPUI KOHRAN: Kolasib TÏmpui Kohhran chuan ni 21-27 November, 2016 hian Kohhran Centenary (Kum 100 tlin) lawmna ropui takin a hmang dawn a. He Kohhrana lo lawi tawh zawng zawngte he hun hmanpui tûr hian an sawm.

N. VÂNLAIPHAI VÊNGLAI KOHRAN: N Vânlaihai Vênglai Kohhran chuan Kross Fate Team, Speaker T.Upa R. Lalhruaimawia ruaiin ni 26 September-3 October, 2016 chhûng khân Crusade an nei a. He Crusade hmang hian Kohhranho kaihar harh tharin an awm a, an tângkaipuiin kawng hrang hrangah an hlâwkpui a, lâwmawm an ti hle.

SIHHMUI KOHRAN: Sihhmui Kohhran chuan October 22-November 6, 2016 chhûng khân Synod Revival Speaker T. Upa C. Ramtharngâka (Jehova Jire Team) ruaiin Siamtharleh Camping, chhâwng thum leh Naupang Lâng Camp bakah Crusade te in hun an hmang a. Camping-ah hian mi 335 ten Pathianah siamtharlehna changin Biak In chhûnga leng lo leh lâmtuala leng lo khawp inkhâwm an awm thei a. Kohhranhote an lâwmin an hlim hle a ni.

CALVIN SEMINAR NEIH A NI

November 5, 2016 (Inrinni) khân Calvin Study Centre, Aizawl Theological College buatsaihin Bâwngkâwn Presbyterian Kohhran Hall-ah "Kohhran leh Ram Rorêlna" tih thupui hmingin Calvin Seminar neih a ni a. Seminar hi session hnihah then niin, chawhma lamah Rev. Vanlalrova Khiantge thuziak "John Calvin's Kohhran leh ram rorêlna chungchâng a zirtîr dân," tih chu zirho a ni a.

Chawhnu lamah Rev. R. Vanlaltuanga thuziak, "Tûnlai Kohhran nêktu thil chi hrang hrang leh a chhânlêtna," tih chu zirho a ni bawk.